

Deporte Local


Alberto Klabér di Brazil Taekwondo Stichting a drenta e Hall of Fame di Taekwondo na Merca



ORANJESTAD (AAN)--- Diabierna anochi a tuma lugar na Las Vegas e di 4 Hall of Fame di Taekwondona unda cu Alberto Klabér di Brazil Taekwondo Stichting a wordo nomina pa drenta e Hall of Fame di Taekwondo.

Alberto Klabér ta e prome hende di Aruba, Caribe cu a drenta den e Hall of Fame di Taekwondo, un sorpresa grandi pa Alberto Klabér ora cu su nomber a wordo menciona pa e subi e podium pa asina e haya su certificado. Esaki a wordo entrega na Alberto Klabér for di mannan di Master Comte Sayed Najem kende ta CEO di The Next Social Network. "www.alikeU.com" un apertura cu mas di 250 invitado for di rond mundo kendenan a bin pa presencia e Hall of Fame di Taekwondo na Las Vegas. E host di e ceremonia tabata Dana Hee kende ta e stunt woman di varios peliculanan manera: Batman, Spiderman, Terminator, Robocop y algun mas.

Manera tur ceremonia tabata tin baile, presentacionnan di personanan VIP y tambe slide show di e momentonan mas importante di Taekwondo. Hopi lo puntra nan mes dicon Alberto Klabér y for di Aruba. Alberto Klabér tin un trayectoria masha largo mes den Taekwondo y a representa Hulanda den e añanan '88-'92 ganando for di Korea, Belgica, 3rd di Europa, 2 di Open Dinamarca, 3 rd na e South American Games Taekwondo y hopi mas. Na aña 1994 a habri e fundacion na Aruba y a hiba e muchanan na diferente paisnan representando Aruba. Actualmente Alberto Klabér ta sacando e mihor shotnan di Taekwondo pa calender di 2014, USAT, FTMEEX, mundotaekwondo y localmente ta promoviendo Taekwondo y na unda cu e biaha. Kisas esaki a hibe awor na su



entrada den Hall of Fame di Taekwondo? Nos no sa, pero awor si Alberto Klabér ta den Hall of Fame di Tae-

kwondo un lugar cu hopi lo desea di ta aden, danki na boso tur cu semper a apoye.